

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE**

Broj: **07-11-5-9332/23**

Bosanska Krupa, 15.12.2023.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku -Nabavka opreme za spašavanje i krizne situacije, na prijedlog Komisije za provođenje postupka javne nabavke, Gradonačelnik, kao rukovodilac organa uprave Grada Bosanska Krupa, donosi:

**ODLUKA
o izboru najpovoljnijeg ponuđača**

1. Prihvata se ponuda ponuđača **„AQUABALKAN“ d.o.o. Konjic**, u provedenom postupku nabavke opreme za spašavanje i krizne situacije, sa cijenom u iznosu od 16.681,80 KM bez PDV, odnosno **19.517,71 KM sa PDV-om**.
2. Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o nabavci opreme za spašavanje i krizne situacije iz tačke 1. Odluke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-9332/23 od 24.11.2023. godine. Javna nabavka je provedena putem konkurentskog postupka – Nabavka opreme za spašavanje i krizne situacije. Obavještenje o nabavci broj: 1272-7-1-154-3-146/23 od 24.11.2022. godine i Obavještenje o ispravci tenderske dokumentacije broj: 1272-7-1-155-3-147/23 od 27.11.2023. godine (TD preuzelo 18 ponuđača, ispravku TD preuzelo 9 ponuđača) i u Službenom glasniku Bosne i Hercegovine, broj: 81/23 od 1.12.2023. godine. Po objavljenom obavještenju rok za prijem ponuda je bio 13.12.2023. godine do 13,30 sati. Do označenog roka za prijem ponuda na protokol Ugovornog organa blagovremeno su pristigle 3(tri) ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. **„Pastor M“ d.o.o. Mostar**, broj protokola: 07-11-5-9332-2/23, zaprimljena dana 8.12.2023. godina u 11:50 sati;
2. **„FIRE TRADE“ d.o.o. Srebrenik**, broj protokola: 07-11-5-9332-3/23, zaprimljena dana 12.12.2023. godina u 9:23 sati i
3. **„AQUABALKAN“ d.o.o. Konjic**, broj protokola: 07-11-5-9332-4/23, zaprimljena dana 13.12.2023. godina u 11:00 sati

Komisija za provođenje postupka javne nabavke je u skladu sa tenderskom dokumentacijom dana 13.12.2023. godine u 14,00 sati izvršila javno otvaranje ponuda:

1. **Ponuđač „Pastor M“ d.o.o. Mostar**, dostavljena ponuda uredno zapakovana i bez vidnih oštećenja, ponudio je:
cijena ponude: **16.680,00 KM bez PDV,**
iznos PDV: **2.835,60 KM PDV**
ukupna cijena ponude: **19.515,60 KM sa PDV- om,**
Nema popusta.

2. **Ponudač „FIRE TRADE“ d.o.o. Srebrenik**, dostavljena ponuda uredno zapakovana i bez vidnih oštećenja, ponudio je:
- | | |
|-----------------------|---------------------------------|
| cijena ponude: | 16.581,00 KM bez PDV, |
| iznos PDV: | 2.818,77 KM PDV |
| ukupna cijena ponude: | 19.399,77 KM sa PDV- om, |
- Nema popusta.
3. **Ponudač „AQUABALKAN“ d.o.o. Konjic**, dostavljena ponuda uredno zapakovana i bez vidnih oštećenja, ponudio je:
- | | |
|-----------------------|---------------------------------|
| cijena ponude: | 16.681,80 KM bez PDV, |
| iznos PDV: | 2.835,91 KM PDV |
| ukupna cijena ponude: | 19.517,71 KM sa PDV- om, |
- Nema popusta.

Komisija je konstatovala da procjenjena vrijednost nabavke 16.683,24 KM bez PDV, odnosno 19.519,39 KM sa PDV- om.

Nakon što je izvršena provjera ponuda i dokumentacije dostavljene uz ponudu Komisija je konstatovala da ponuđači „Pastor M“ d.o.o. Mostar i „FIRE TRADE“ d.o.o. Srebrenik nisu dostavili katalog proizvoda za stavke 1 do 6 koje su predmet nabavke, a kako je traženo Aneksom 2 – Obrazac za cijenu ponude – robe u dijelu „Napomena“ ispod specifikacije robe.

Shodno članu 2. tačka I) tačka 3. i članu 68. stav 4. tačka i) Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/2014 i 59/2022 i tačkom 5. tenderske dokumentacije, Komisija predlaže ugovornom organu da ponude ponuđača „Pastor M“ d.o.o. Mostar i „FIRE TRADE“ d.o.o. Srebrenik odbaci kao nepravilne.

Komisija je konstatovala da je ponuda ponuđača „AQUABALKAN“ d.o.o. Konjic potpuna, ispravna u formalno-pravnom smislu (ponuđač dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze), da računskih grešaka nije bilo kao i da je ponuda u okviru procijenjene vrijednosti.

Također je konstатовano da je u ovom postupku predviđeno provođenje e-aukcije, ali se ista neće provoditi, jer je samo jedna prihvatljiva ponuda, a shodno članu 3. stav (3) Pravilnika o načinu korištenja e-aukcije.

Shodno navedenom, Komisija za provođenje postupka javne nabavke je predložila ugovornom organu da donese Odluku o izboru najpovoljnijeg ponuđača, i to ponuđača „AQUABALKAN“ d.o.o. Konjic i zaključi Ugovor.

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je ponuda jedinog prihvatljivog ponuđača, u okviru procijenjene vrijednosti predmetne nabavke, Ugovorni organ je prihvatio prijedlog Komisije, pa je odlučeno je kao u dispozitivu Odluke.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:
Selma Bužimkić

GRADONAČELNIK
Armin Halitović

Dostavljeno:

1. AQUABALKAN“ d.o.o. Konjic, putem e-maila
2. „FIRE TRADE“ d.o.o. Srebrenik, putem e-maila
3. „Pastor M“ d.o.o. Mostar, putem e-maila
4. U spis
5. a/a